

## Evening Dogri (NSD) Bulletin 03-06-2024

### आकाशवाणी

खबरां ---

1 लोकसभा चुनांस 2024 दी कल होने आहली गिनतरी लेई लोड़चदे सब्बै बंदोबस्त मुकम्मल करी लैते गेदे न। वोटें दी गिनत्री बड़लै 8 बजे शुरू होई जाग।

2. आम चुनाएं च 64 करोड़ 20 लक्ख कोला मते मतदाताएं दे वोट पाने कन्ने भारत नै विश्व रिकार्ड कायम कीता ऐ।

3 प्रधानमंत्री नरेंद्र मोदी होरें आखेआ ऐ जे 21मीं सदी दी दुनिया, भारत आली बक्खी बड़ी मेदें कन्ने दिक्खारदी ऐ।

4 कांग्रेस दी साबका अध्यक्ष सोनिया गांधी होरें मेद प्रगट कीती ऐ जे कल चुनाएं दे नतीजे एग्जिट पोल दे नतीजे कोला भलेयां उलट होडन।

5 दक्खनी कश्मीर दे पुलवामा जिले दे निहामा गां च इक टाकरे दौरान सुरक्षा बलें द'ऊं आतंकवादिएं गी मारी मकाया ऐ।

<><><><><><>

## LS-Counting

लोकसभा चुनाव 2024 के वोटों की गिनतरी कल होगी। एहदे इलावा कल मैं आंध्रप्रदेश के ओपिशा के होए के विधानसभा चुनाव के किश होर विधानसभाएं के उप-चुनाएं के के वोटों की गिनतरी भी कीती जाग। वोटों की गिनतरी का कम्म बोलै 8 बजे शुरू होगे के एहदे रूझान के नतीजे कन्नो-कन्नी चुनाव आयोग की वेबसाइट पर [results.eci.gov.in](https://results.eci.gov.in) के इलावा वोटर हैल्पलाइन ऐप पर भी उपलब्ध होंगन। वोटर हैल्पलाइन ऐप की गूगल प्ले स्टोर कां ऐपल प्ले स्टोर परा भी डाउनलोड कीता जाई सकदा ऐ। आयोग नै रिटर्निंग अफसरों के काउंटिंग एजेंटें लेई इक बुकलेट भी जारी कीती ऐ जेहड़ी इससे वेबसाइट पर उपलब्ध ऐ। आयोग नै दस्सेआ ऐ जे वोटों की गिनतरी के प्रवधन, प्रक्रिया, ईवीएम के वीवीपीएटी के रखरखाव लेई लोडचदे निर्देश नियमें बगैरा भी वेबसाइट पर उपलब्ध रखे का ऐ।

<><><><><><><>

## CEC-Briefing

मुख्य चुनाव आयुक्त राजीव कुमार होंरें आखेआ ऐ जे भारत के लोकसभा चुनाव के 64 करोड़ कोला मते मतदाताएं हिस्सा लेइए विश्व रिकार्ड बनाया ऐ। नमी दिल्ली के इक संवाददाता सम्मेलन की

संबोधित करदे होई कुमार होरें आखेआ जे सब्बनें जी-7 मुखें अमरीका, बरतानिया, फ्रांस, जर्मनी, इटली, जपान ते कनाडा दे मतदाताएं दी गिनतरी षेठ गुणा ऐ। उनें आखेआ जे इस लोकसभा चुनां च 31 करोड़ सोयां मती महिलां मतदाताएं वोट पाया जेड़ा दुनिया च अजे तगर दा सब्बनें थवां मता ऐ। उनें एह बी आखेआ जे 2019 दे आम चुनां च 540 पुना मतदान दे मुकाबले च इस चुनां च छेड़े 39 पुना मतदान होए। मुख चुनां आयुक्त होरें आखेआ जे इस लोकसभा चुनां च हिंसा दी कोई बड़ी घटना नेई होई। उनें आखेआ जे 2019 च 3 जहार 500 करोड़ रपे दी तुलना च इस बारी 10 जहार करोड़ रपे दी जब्ती कीती गई जिसदे च नकदी, मुक्त चीजां बस्तां, नशीले पदार्थ ते शराब शामिल ऐ। इनें आम चुनां दौरान आदर्श आचार संहिता दी खिलाफवर्जी दी 495 शकैतें चा 90 फीसद थवां ज्यादा दा नबेड़ा कीता गेआ। मुख चुनां आयुक्त होरें मजबूत मतगणना प्रक्रिया कन्ने सरबंधत पैहलुएं पर लौ पांदे होई आखेआ जे मतगणना केंद्रें पर केंद्रीय सशस्त्र पुलिस बल दे त्रै स्तरीय सुरक्षा बंदोबस्त कीते गेदे न। हर इक मतगणना मेज पर माइक्रो निगरान दे कन्नो कन्नी मतगणना केंद्रें पर 24 घेंटें सी.सी.टी.वी कवरेज कीती जाग। उनें आखेआ जे विपक्षी दल दे प्रतिनिधिमंल आस्सेआ आयोग दे सामने

पुट्टे गेदे सारे मसलें दा हल करी लैता गेआ ऐ। केंद्री गृह मंत्री अमित शाह हुंदे आस्सेया चुनां अधिकारिएं गी सद्दने बारै कांग्रेस नेता जयराम रमेश हुंदे आरोप पर उनें आखेआ जे अफवाह फैलाना सेई नेई ऐ। जम्मू-कश्मीर च विधानसभा चुनां कराने बारै पुच्छे गेदे इक सौआलै दे परते च कुमार होरें आखेआ जे आयोग तौलें गै जम्मू-कश्मीर च चुनां प्रक्रिया शुरू करोग।

<><><><><><>

### BJP-Meeting

लोकसभा चुनां दे वोटें दी गिनतरी थवां पैहले भारतीय जनता पार्टी दे अध्यक्ष जगत प्रकाश नड्डा होरें पार्टी नेताएं कन्नै बैठक च मतगणना आस्तै पार्टी दी त्थारिएं पर चर्चा कीती। बैठक च केंद्रीय मंत्री ते वरिष्ठ भाजपा नेता अमित शाह, पार्टी महासचिव बी.एल संतोष ते विनोद तावड़े शामिल हे। नमीं दिल्ली च बैठक मगरा पत्रकारें कन्नै गल्ल करदे होई तावड़े होरें आखेआ जे पार्टी नेताएं मतगणना गी त्थारिएं पर विचार विमर्श कीता।

<><><><><><>

## Nitish Modi Meet

बिहार के मुख्यमंत्री ते जनता दल युनाइटेड अध्यक्ष नितिश कुमार हों  
अज्ज दिल्ली च प्रधानमंत्री हुं दे कन्नै मलाटी कीती। एह मलाटी  
लोकसभा चुनां दे नतीजें थवां इक दिन पैहले लग्गी ऐ।

<><><><><><>

## EC-Ramesh

निर्वाचन आयोग नै कांग्रेस नेता जयराम रमेश हुं दे आस्सेआ गृह मंत्री  
अमित शाह हुं दे पर लाए गेदे आरोपें दा परता देने लेई इक हफ्ते दा  
समां देने सरबन्धी दरखास्त गी खारज करी दिता ऐ। जयराम रमेश  
हों गी लिखी दी चिट्ठी च आयोग नै उनेंगी तत्थें दे आधार पर  
अज्ज शामी तोड़ी जवाब देने लेई आखेआ हा।

<><><><><><>

## PM-Bharat Thought

प्रधानमंत्री नरेंद्र मोदी हों आखेआ जे 21मीं सदी दा विश्व भारत  
बकखी मतियें आसैं-तांगें कन्नै दिक्खा रदा ऐ। उनें आखेआ जे विश्व  
च केई देशें लेई भारत के शासन दा इक्क आदर्श नमूना ऐ। इक  
चिट्ठी दे जरिये देशवासियें कन्नै अपने विचारें गी सांझा करदे होई

श्री मोदी होंरें आखेआ जे नमियां काड्पां जियां जे लोकें लेई बेहतर शासन, आकांक्षी जिले ते आकांक्षी ब्लाक वैश्विक स्तर उप्पर चर्चा दा केंद्र न। श्री मोदी होंरें आखेआ जे हेठले स्तर उप्पर गरीबें गी सशक्त करने कन्नै सरकार दे प्रयासें पूरे विश्व गी प्रेरित कीता ऐ। प्रधानमंत्री होंरें च दिशाएं जिंदे च गति, किस स्तर तोड़ी विस्तार ते म्यार उप्पर तुरत कम्म करने दी जरूरता पर जोर भरेया। श्री मोदी होंरें आखेआ जे भारत गी वैश्विक दक्खन दी इक मजबूत ते महत्वपूर्ण मन्ना रदा ऐ ते भारत दी पैहल उप्पर अफ्रीकी संघ जी-20 किट्ठ दा इक हिस्सा बनी सकै। कन्या कुमारी च अपनी त्रऊं दिनें दी आध्यात्मिक साधना बारै प्रधानमंत्री होंरें आखेआ जे कन्याकुमारी दी धरती एकता दा स्नेहा दिंदी ऐ, खास करिये कुसै बी नेय व्यक्तिएं गी जेड़ा जे भारत दे राष्ट्रवाद ते एकता उप्पर शक-शुबा करे।

<><><><><><>

## **Sonia-Exit Poll**

कांग्रेस दी साबका अध्यक्ष सोनिया गांधी होंरें आखेआ ऐ जे लोकसभा चुनाएं दे नतीजें एग्जिट पोल देमकाबले बिल्कुल बक्खरे होडन। नमीं दिल्ली च मीपिया दे सौआलें दा परता दिंदे होई उनें एह गल्ल आक्खी। एग्जिट पोल च भाजपा दी अगुवाई आले एनपीए गठबंधन दी

जित दा अंदाजा जाहिर कीता गेआ ऐ। एहदे थवां पैहले श्रीमति गांधी होरें तमिल नाडू दे साबका मुखमंत्रि एम. करुणानिधि हुंदी जयंती पर पुष्पांजलि भेंट कीती। पीएमके नेता पी.एम.के नेता टी.आर. बालू सी.पी.आई (एम) महासचिव सीताराम येचुरी ते नेशनल कांफ्रेंस दे नेता फारूक अब्दुल्ला होरें बी एम. करुणानिधि होरें गी श्रद्धांजलि भेंट कीती।

<><><><><><>

### Encounter-JK

अज्ज दक्खन कश्मीर दे पुलवामा जिले दे निहामा ग्रां च सुरक्षा बलें कन्नै होए दे टाकरे च दऊं आतंकवादी मारे गे न। आधिकारिक सूत्रें मताबक आतंकवादिं दी मौजूदगी दी इक विशेष सूह थहोने मगरा निहामा काकापोरा ग्रां च टाकरा भखी पेया। समूलचे मुल्खा ते जम्मू-कश्मीर लोकसभा चुनां दे कल नतीजे ताई इक दिन पैहले एह टाकरा होई गेआ। उनें आखेआ जे टाकरे आहली थाह थमां दऊं लोथां बरामद होइयां न। मती जानकारी गी बलगेया जा रदा ऐ।

<><><><><><>

## Climate

संयुक्त राष्ट्र जलवायु प्रमुख साइमन स्टिल होंरें आगाह कीता ऐ जे धरती दे जलवायु तापमान च 2 इशारिया 7 षिग्री सैल्यिस दा बाद्दा होई सकदा ऐ। इस बाद्दे गी 1 इशारिया 5 षिग्री सैल्यिस तगर रोके रखना बड़ा कठन ऐ। जर्मनी च बॉन जलवायु परिवर्तन सम्मेलन च स्टिल होंरें आखेआ जे संयुक्त राष्ट्र आस्सेआ मंगें गेदे अंतरराष्ट्री सहयोग दे बगैर बध्दे तापमान दे प्रकोप कोला बचना बड़ा कठन होई जाग।

<><><><><><>

## Japan-Earth Quake

जपान दे मध्य इशिकावा प्रांत दे नोटो इलाके च अज्ज जबरदस्त भूचाल आया जेदी तीव्रता रिक्टर पैमाने पर 6 नापी गई ऐ। जपान दे मौसम विभाग दी रिपोर्ट मताबक एह भूचाल भारतीय समें दे मताबक बड़लै 6 बज्जिये 31 मँटें प जिमी कोला 14 किलोमीटर हेठ हा। भूचाल दा केंद्र 37 इशारिया 5 षिग्री उत्तर अक्षांश ते 137 इशारिया 3 षिग्री पूर्व देशांतर पर स्थित हा। एहदे बाद होर बी केई झटके नोटो



प्रायदीप च कोई 6 बज्जिये 40 मॅटें पर बी महसूस कीते गे जिंदी तीव्रता 4 इशारिया 8 दस्सी गेई ऐ।

<><><><><><><><>

### PM-Karunanidhi

प्रधानमंत्री नरेंद्र मोदी होरं अज्ज कलेयंगर करुणानिधि होरें गी उंदी 100मीं जयंती दे मौके प श्रद्धांजलि भेंट कीती ऐ। इक सोशल मीडिया पोस्ट च मोदी होरें आखेआ जे करुणानिधि होरें अपने लम्में समाजिक जीवन च तमिलनाडू ते तमिल लोकें दी भलाई बेहतरी लेई बड़ा मता कम्म कीता।

<><><><><><><><>

### Syria-Israel Air Strike

सीरिया दे अलेप्पो च अज्ज बड़लै इस्रायली हवाई हमले च इन समर्थन 12 लड़ाके मारे गेन। बरतानिया च स्थित सीरिया दे मनुक्खी अधिकारें सरबन्धी संस्था नै दस्सेया ऐ जे इनें लड़ाकें च सीरियाई ते गैर सीरियाई नागरिक बी शामिल हे। इस हमले च अलेप्पो दे ग्रामीण इलाकें च केई थारें, टकोहदा करिए हय्यान कस्बे गी नशाना बनाया गेआ। इस्राइल, सीरिया च लेबनान ते हिज्बुल गुट ते ईरानी लड़ाकें दे ठकानें पर पिछले म्हीनें थमां हमले करा करदा ऐ।

